

RETNINGSLINER FOR BRUKEN AV KRAFTFONDET I KVAM

Vedtekne av heradsstyret i Kvam 23.03. 2021 i sak 029/21

*Standardvedtektene fastset dei ytre rammene for bruk av kraftfondsmidlane.
Innanfor standardvedtektene kan kommunen gjennom eigne retningslinjer snevra inn fondet sine støtteformål, støtteformar og støttevilkår.*

Til § 1 Kraftfond - Heimel, kapital og avkastning

Grunnkapitalen på kr. 1.000.000,- vert plassert i bank eller finansinstitusjon på best mogleg vilkår.

Reglane skal oppdaterast slik at dei er i tråd med dei til ei kvar tid gjeldande nasjonale og internasjonale avtalar og føringar.

Reglane for tilskot til næringsføremål gjeld for alle typar næringsverksemd med forretningsadresse og aktivitet i Kvam herad.

Midlar frå kraftfondet kan setjast av til garantifond, når det vert gjeve garanti for kommunale tiltak. Styret for kraftfondet kan gje garantiar for opp til kr. 500.000,- av fondskapitalen. Vilkåret er at garantien er gyldig etter § 51 i kommunelova.

Til § 2 Føremål

Det overordna målet med å bruka kraftfondet er å bidra til sikring og vidareutvikling av eksisterande verksemdar, fremja etablering av nye verksemdar og å sikra og auka busetnaden i kommunen.

Som del av kommuneplanen skal det lagast ein eigen næringsplan. Denne skal gje grunnlag for prioritering av prosjekt. Næringslivet i kommunen har medverka aktivt i utarbeidinga av planen.

Søknader skal også vurderast og prioriterast ut frå mål og strategiar i energi- og klimaplan og integreringsplan.

Målsetjing:

Næringsutvikling i Kvam skal legge til rette for og sikra eksisterande næringsliv. Gjennom samarbeid skal Kvam vidareutvikla næring og handel og stimulere til etablering av ny verksemd. Kvam skal prioritera å marknadsføre det som er, og leggje til rette for nytenking og gründerverksemdar.

I fylgje strategisk næringsplan skal det satsast på fem strategiar:

1. Hovedmål: utvikla eit pulserande og sjølvsetendig regionsenter.
2. Bygga kompetanse som skapar talent og utnyttar teknologi.



3. Skapa opplevingar og innhaldsrik fritid.
4. Styrka det etablerte og utvikla det særeigne.
5. Skapa gnist for kreativ og framtidsretta næring.

Eksempel på prosjekt som kan få stønad:

Kommunalt tiltaks- og næringsarbeid:

Til dømes: næringsplanlegging, etableringsprosjekt, samarbeid skule/næringsliv og stadutviklingsprosjekt.

Fysisk tilrettelegging for næringsverksemd:

Til dømes: kommunal tilrettelegging av næringsarealer, fysisk stad- utvikling, infrastruktur for reiseliv, vassforsyning.

Bedriftsutvikling :

Til dømes: etableringsstipend, opplæring, produktutvikling, marknadsføring, marknadsundersøking og planlegging.

Investering i bedrifter:

Til dømes: utstyr, maskiner og bygningar ved oppstart og utviding av bedrifter.

Kraftfondet kan og nyttast til utbygging av kommunale fellestiltak som kommunikasjonar, barnehagar, skular, helse- og sosialinstitusjonar, samfunnshus og idrettsanlegg. Til desse formåla kan fondet nyttast til å støtte investeringar, ikkje drift. *Kommunen bør prioritere kraftfondet til direkte næringsutvikling framfor denne typen kommunale fellestiltak.*

Ved ein eventuell samfinansiering med midlar frå andre støtteordningar, kan samla offentleg stønad ikkje overstige stønadsdel som er fastsett i § 5.

Tiltak som ikkje skal gjevast stønad over kraftfondet:

Det kan ikkje gjevast stønad til sanering av gjeld i private bedrifter. Dette set ikkje hindringar for at kraftfondet kan nyttast til refinansiering av ei bedrift etter føreteke gjeldssanering.

Det kan heller ikkje gjevast stønad til løpande drift av kommunen. Unnateke løn til næringsarbeid, som kan finansierast av fondet. Vidare kan det gjevast stønad til ekstraordinære kommunale tiltak som i utgangspunktet er lagt til andre forvaltningsinstansar.

Avdrag på lån vert ikkje rekna som løpande drift av kommunen.

Ut over dei prioriteringar som er gjort i strategisk næringsplan, bør all næringsverksemd likestillast. Kommunen bør derimot ikkje gje stønad til næringsverksemd som mottar store overføringar over statsbudsjettet.

Til § 3 Former for stønad

1. Stønad til nyetableringar skal i hovudsak gjevast som tilskot eller lån på visse vilkår, under dette ansvarleg lånegjeld. Storleiken på tilskota og/eller lån skal vurderast ut i frå samla kapitaltrøng og tilgang på andre distriktspolitiske verkemiddel. Det vert



sjeldan gitt støtte i form av lån då heradet ikkje har eit eigna system for å handsama lån.

2. Garantiar kan berre gjevast dersom desse kan godkjennast etter § 51 i kommunelova.
3. Kraftfondet bør ikkje nyttast til å teikne aksjar og andeler i privat næringsverksemd. Kommunen kan fort komme i ein uheldig dobbelrolle som ansvarleg for både investering/drift og tilskot/lån.
4. Ved kvar utlysing kan det normalt løyvast inntil kr 1 mill. Summen av alle offentlege tilskot kan ikkje overstiga 50 % av prosjektet sitt kapitalbehov. Eige arbeid vert vurdert med inntil 350 kr per time. For arrangement og tiltak som er av interesse for større delar av næringslivet i Kvam, kan det gjerast unntak frå krav om eigenkapital/-innsats.

Til § 4 Forholdet til internasjonale plikter på statsstøtte området

Heradet fylgjer internasjonale forpliktingar Noreg har forplikta seg til på statstøtteområdet. Nettsida www.eftasurv.int innheld ei oversikt over gjeldande regelverk for offentlig støtte. Sjå også Fornyings – administrasjons – og kirkedepartementets vegleiar om EØS-avtalens reglar om offentlig støtte.

Med stønad til eksport tenkjer ein på, stønad som kan koplast direkte til ei mengde eksporterte varer frå bedrifta, etablering og drift av eit distribusjonsnettverk. Det kan gjevast stønad til følgjande tiltak i samband med eksport:

- Rådgjeving for identifisering av bedrifta sine behov og val av tenester
- Kompetansegejvande tiltak
- Utarbeiding av eksportmarknadsplan
- Studiar eller konsulenttenester som vil vere nødvendige for å lansere eit nytt produkt eller eit eksisterande produkt på eit ny marknad
- Marknadsundersøkingar/innhenting av marknadsinformasjon
- Deltaking på messer

Lån frå kraftfondet skal sikrast med pant i fast eigedom, leigerett med driftstilbehør, maskiner eller salspant.

Rente på lån frå kraftfondet skal følgja Husbankens lågaste flytande rente

Til § 5 Forvaltning

Heradsstyret er styre for kraftfondet og kan delegere mynde til rådmannen. Søknad om tilskot over kr. 50.000 skal handsamast av heradsstyret.

Søknader til kraftfondet skal skje elektronisk – skjema finn ein på kommunen si heimeside på internett www.kvam.kommune.no og alle søknader vert å sende via www.regionalforvaltning.no.



Søknadsfristane for bedrifter og tiltak som ynskjer støtte frå fondet er 1. mai og 1. oktober.

Saksførebuinga til styret for kraftfondet vert delegert til rådmannen i samsvar med § 23 i Kommuneleva. Rådmannen kan internt delegere mynde.

Budsjett og rekneskap skal integrerast i kommunen sitt økonomisystem i samsvar med gjeldande føresegrer. I tillegg forutset ein at det vert utarbeid eit vedlegg til rekneskapen med ein samla oppstilling av kraftfondet sine inntekter og utgifter. I budsjettet skal heradsstyret konkretisere sum frie fondsmidlar til tildeling i form av hhv. lån og tilskot

Det er klageadgang på enkeltvedtak i medhald av forvaltningslova. Klager vert handsama av kommunalt klageorgan.

Dersom verksemda/arbeidsplassen flyttar ut av kommunen før det er gått tre år sidan tilskotet vart tildelt, må heile tilskotet betalast attende.

Om tilskotet er utbetalt og investeringa/tiltaket ikkje vert gjennomført som omsøkt, skal tilskotet betalast attende fullt ut.

Ved tildeling av tilskot, skal det setjast tidsfrist for gjennomføring av prosjektet og levering av sluttrapport. Rådmannen kan i spesielle høve gje utsatt frist for gjennomføring.

Til § 6 Årsmelding og rapporteringsplikt.

Kvart år skal det leggjast fram for heradsstyret ei melding om bruken av kraftfondet.

Årsmeldinga for kraftfondet skal innehalda:

Rekneskap

Oversyn over prosjekt

Analyse over korleis fondet er nytta sett i høve til prioriteringa i strategisk næringsplan

Trong for endringar i prioriteringar/retningslinjer for bruken av kraftfondet for neste år

Søkjarar som har motteke lån til prosjekt skal sende inn årsmelding til styret for kraftfondet årleg inntil lånet er nedbetalt/innfridd innfridd og søkjarar som har vorte tildelt tilskot gjennom kraftfondet skal sende inn rekneskap/ årsmelding for det aktuelle år tilskotet vart utbetalt med tilbakemelding om kva betydning tilskotet hadde for det aktuelle året”.

